

印 影

文淵閣四庫全書

第一一二冊

北京出版集團公司
北京出版社

本冊目次

樂城集

樂城後集

樂城第三集

樂城應詔集

宋蘇轍撰……………一

欽定四庫全書

集部
樂城集卷二

詳校官庶吉士臣胡鈺

檢討臣何思鈞覆勘

總校官進士臣朱鈐

校對官助教臣胡予襄

謄錄監生臣王濤

欽定四庫全書

集部三

樂城集

別集類二 宋

提要

欽定四庫全書

樂城集
提要

臣等謹案樂城集五十卷樂城後集二十四卷樂城第三集十卷應詔集十二卷宋蘇轍撰轍有詩傳已著錄考晁公武讀書志陳振孫書錄解題載樂城諸集卷目並與今本相同惟宋史藝文志稱樂城集八十四卷應詔集十卷策論十卷均陽襍著一卷焦竑國史經籍志則又於樂城集外別出黃門集七十卷均與晁陳二家所紀不合今考樂城集及後集三集共得八十四卷宋志蓋統舉言之策論當即應詔集而誤以十二卷為十卷又復出其目惟均陽襍著未見其書或後人掇拾遺文別為編次而今佚之歟至竑所載黃門集宋以來悉不著錄疑即樂城集之別名

竑不知而重載之宋志荒謬焦志尤多舛
駁均不足據要當以晁陳二氏見聞最近
者為準也其正集乃為尚書左丞時所輯
皆元祐以前之作後集則自元祐九年至崇
寧四年所作三集則自崇寧五年至政和元
年所作應詔集則所進策論及應試諸作轍
之孫猶撰樂城遺言於平日論文大旨叙錄
甚詳而亦頗及其篇目如紀辨才塔碑則云

見樂城後集於馬知節文集跋生日漁家傲

詞諸篇之不在集中者則並為全錄其文以

拾遺補闕蓋集為轍所手定與東坡諸集出

自他人裒輯者不同故自宋以來原本相傳

未有妄為附益者特近時重刻甚稀此本為

明代舊刊尚少訛闕陸游老學菴筆記稱轍

在績溪贈同官詩有歸報仇梅省文字麥苗

含穢欲蠶眠句譏筠州刻本輒改作仇香之

非今此仍作仇梅則所據猶宋時善本矣乾
隆四十六年四月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

樂城集卷一

宋 蘇轍 撰

詩五十二首

郭綸

綸本河西弓箭手屢戰有功不賞自黎州都監官滿貧不能歸權嘉州監稅

郭綸本蕃種騎闖雄西戎流落初無罪因循遂龍鍾嘉州已經歲見我涕無窮自言將家子少小學彎弓長遇西鄙亂走馬救邊烽手挑大八矛所往如投空平生事

欽定四庫全書

樂城集卷一

苦戰數與大寇逢昔在定川寨賊來如羣蜂萬騎擁酋帥自謂白相公揮兵取其元模糊腥血紅戰勝士氣振赴敵如旋風蚩蚩羣衆將不信勇且忠遙語相勸誘一矢摧厥胸短兵接死地日落沙塵蒙馳歸不敢息馬口銜折鋒誰知八尺軀脫命萬死中忽聞南蠻叛羽檄行忽忽將兵赴危難瘴霧不辭衝行經賀州城寂寞無人蹤攀堞莽不見入據為築壙一旦賊兵下百計燒且攻三日不能陷救至遂得通崎嶇有成績元帥多異同有

功不見賞憔悴落巴賈已矣誰復信言之氣恟恟予不識郭綸聞此為斂容一夫何足言竊恐悲羣雄此非介子推安肯不計功郭綸未嘗敗用之可前鋒

初發嘉州

放舟沫江濱往意念荆楚擊鼓樹兩旗勢如遠征戍紛紛上船人榜急不容語余生雖江陽未省至嘉樹巉巖九頂峯可愛不可住飛舟過山足佛脚見江潯舟人盡斂容競欲揖其拇俄頃已不見烏牛在中渚移舟近山

欽定四庫全書

樂城集卷一

陰壁峭上無路云有古郭生璞此地苦笈注區區辨蟲魚爾雅細分縷洗硯去殘墨遍水如黑霧至今江上魚頂有遺墨處覽物悲古人嗟此空自苦余今方南行朝夕事鳴榔至楚不復留上馬千里去誰能居深山永與禽獸伍此事誰是非行行重回顧

過宜賓見夷中亂山

江流日益深民語漸已變岸澗山盡平連峯遠非漢慘慘瘴氣青薄薄寒日暖峯巒若崖石草木條幹短遙想

彼居人狀類麕鹿竄何時遂平定戊卒從此返

夜泊牛口

行過石壁盡夜泊牛口渚野老三四家寒燈照疎樹見
我各無言倚石但箕踞水寒雙脰長壞袴不蔽股日莫
江上歸潛魚遠難捕稻飯不滿盂饑卧冷徹曙安知城
市歡守此田野趣祇應長凍饑寒暑不能苦

戎州

江水通三峽州城控百蠻沙昏行旅倦邊靜禁軍閒漢

欽定四庫全書

樂城集
卷一

三

虜更成市羅紃靳不還投瓊揀精密換馬瘦孱顏兀兀
頭垂髻團團耳帶環夷聲不可會爭利苦間關

舟中聽琴

江流浩浩羣動息琴聲琅琅中夜鳴水深天濶音響遠
仰視牛斗皆從橫昔有至人愛奇曲學之三歲終無成
一朝隨師過滄海留置絕處不復迎終年見怪心自感
海水震掉魚龍驚翻回蕩滴有遺韻琴意忽忽從此生
師來迎笑問所得撫手無言心已明世人囂囂好絲竹

撞鐘擊鼓浪謂榮安知江琴韻超絕擺耳大笑不肯聽

泊南井口期任遵聖

期君荒江濱未至望已極朔風吹烏裘隱隱沙上立愧
余後期至先到犯寒色既泊問所如歸去已無及繫舟
重相邀雨冷塗路濕

江上早起

晨興孤舟上盥濯夜氣清整巾未遑坐雙橈輒已鳴日
出江霧散江上山從橫區區茅舍翁曉出露氣腥收筒

欽定四庫全書

樂城集
卷一

四

得大鯉愛惜不忍烹持之易斗粟朝飢厭魚羹蕭蕭遠
風起泛泛野鴈驚忽過百餘里山水互變更逢舟問所
如彼此不知名超超江湖間殊勝地上行旦游市井喧
莫宿無人聲江上誠足樂無怪陶朱生

江上看山

朝看江上枯崖山憔悴荒榛赤如赭暮行百里一回頭
落日孤雲靄新畫前山更遠色更深誰知可愛信如今
唯有巫山最穠秀依然不負遠來心

山胡

山胡擁蒼髯兩耳白茸茸野樹啼終日黔山深幾重啄
溪探細石噪虎上孤峯被執應多恨筠籠僅不容

白鷗

白鷗形似鵠搖曳尾能長寂寞懷溪水低回愛稻梁田
家比鷄鶩野食薦杯觴肯信朱門裏徘徊占玉塘

屈原塔

在忠州

屈原遺宅秭歸山南賓古者巴子國中遺塔知幾年

欽定四庫全書

樂城集卷一

五

過者遲疑不能識浮圖高絕誰所為原死豈復待汝力
臨江慷慨心自明南訪重華訟孤直世人不知徒悲傷
強為築土高岌岌

嚴顏碑

亦在忠州

古碑殘缺不可讀遠人愛惜未忍磨相傳昔者嚴太守
刻石千歲字已訖嚴顏平生吾不記獨憶城破節最高
被擒不辱古亦有吾愛善折張飛豪軍中生死何足怪
乘勝使氣可若何斫頭徐死子無怒我豈畏死如兒曹

匹夫受戮或不避所重壯氣吞黃河臨危閒暇有如此
覽碑慷慨思橫戈

竹枝歌

忠州作

舟行千里不至楚忽聞竹枝皆楚語楚言啁哳安可分
江中明月多風露扁舟日落駐平沙茅屋竹籬三四家
連春並汲各無語齊唱竹枝如有嗟可憐楚人足悲訴
歲樂年豐爾何苦釣魚長江江水深耕田種麥畏狼虎
俚人風俗非古處處子不嫁如等閒雙鬟垂頂髮已白

欽定四庫全書

樂城集卷一

六

負水採薪長苦艱上山採薪多荆棘負水入溪波浪黑
天寒斫木手有龜水重還家足無力山深瘴暖霜露乾
夜長無衣猶苦寒平生有似麋與鹿一旦白髮已百年
江上乘舟何處客列肆喧譁占平磧遠來忽去不記州
罷市歸船不相識去家千里未能歸忽聽長歌皆慘悽
空船獨宿無與語月滿長江歸路迷路迷鄉思渺何極
長怨歌聲苦淒急不知歌者樂與悲遠客乍聞皆掩泣

望夫臺

在忠州南數十里

江上孤峯石為骨望夫不來空獨立去時江水拍山流
去後江移水成磧江移岸改安可知獨與高山化為石
山高身在心不移慰爾行人遠行役

八陣磧

在夔州

漲江吹八陣江落陣如故我來苦寒後平沙如匹素乘
高望遺迹磊磊六十四遙指如布碁就視不知處世稱
諸葛公用衆有法度區區落褒斜軍旅無闊步中原竟
不到置陣狹無所茫茫平沙中積石排隊伍獨使後世
欽定四庫全書
樂城集
卷一
七
人知我非莽鹵奈何長蛇形千古竟不悟惟餘桓元子
久視不能去

灩澦堆

或云上
有古碑

江中石屏灩澦堆鼉靈夏禹不能摧深根百丈無敢近
落日紛紛鳬鴈來何人磊落不畏死為我赤脚登崔嵬
上有古碑刻奇篆當使盡讀磨蒼苔此碑若見必有怪
恐至絕頂遭風雷

八峽

舟行瞿唐口兩耳風鳴號渺然長江水千里投一瓢峽
門石為戶鬱怒水力驕扁舟落中流浩如一葉飄呼吸
信奔浪不復由長篙撥柁破漬旋畏與亂石遭兩山蹙
相值望之不容初漸近乃可入白鹽最雄高草木皆倒
生哀叫悲玄孫白雲繚長袖零露如飛毛緬懷泮水年
慘感病有堯禹益決岷水屢與山鬼廬摧岡轉大石破
地䟽洪濤噴噴當道山斬截肩尾銷峭壁下無趾連峯
斷脩腰破處不生草上不挂鳥巢水怪不盡幾下有龍
欽定四庫全書
樂城集
卷一
八
與鼉遼哉千萬年禹死遺迹牢豈必見河洛開峽斯已
勞

巫山廟

山中廟堂古神女楚巫婆娑奏歌舞空山日落悲風吹
舉手睢盱道神語神仙潔清非世人瓦盎傾醪薦麋脯
子知神君竟何自西方真人古王母飄然乘風遊九州
竭渡西海薄中土白雲為車駕蒼虬駢乘相君宓妃御
天孫織綃素非素衣裳飄飄薄烟霧泊然冲虛眇無營

朝食屑玉嚙瓊乳下視人世安可據超江乘山去無所
巫山之下江流清偶然愛之不能去湍崖激作相喧逐
白花翻翻龍正怒亮使大禹導九州石隕山隊幾折股
山前恐懼久無措稽首山下苦求助丹書玉笈世莫窺
指示文字相爾汝擘山洩江幸無苦庚辰虞余實相禹
功成事定世莫知空山俄頃千萬古廟中擊鼓吹長簫採
蘭為殮蕙為肴玉缶薦芝香飄蕭龍勺取酒注白茅神
來享之風飄飄荒山長江何所有豈有瓊玉薦沈寥神
欽定四庫全書

樂城集
卷一

九

君聰明無我責為我驅獸攘龍蛟乘船入楚汭已蜀漬
旋深惡秋水高歸來無恙無以報山上麥熟可作醪神
君尊貴豈待我再拜長跪神所勞

巫山廟烏

巫廟真人古列仙高心獨愛玉爐烟飢烏巧會行人意
來去紛紛噪客船

昭君村

峽女王牆繼屈須入宮曾不愧秦姝一朝遠遂呼韓去

遙憶江頭捕鯉魚江上大魚安敢釣轉拖橫江筋力小
深邊積雪厚埋牛兩處辛勤何處好去家離俗慕榮華
富貴終身獨可嗟不及故鄉山上女夜從東舍嫁西家

三遊洞

洞前危逕不容足洞中明曠坐百人蒼崖硤兀起成柱
亂石散列如驚麋清溪百丈下無路水滿沙土如魚鱗
夜深明月出山頂下照洞口纔及唇沉沉深黑若大屋
野老篝火青如燐平明欲出迷上下洞氣飄飄為橫雲

欽定四庫全書

樂城集
卷一

十

深山大澤亦有是野鳥鳴噪孤熊蹲三人一去無復見
至今冠蓋長滿門

寄題清溪寺

在映州鬼
谷子故居

清溪鬼谷子雄辯傾六國視世無足言自閉長默默蘇
張何為者欲竊長短術學成果無賴遂為世所惑顛倒
責諸侯傾轉莫可執後世何不明疑我不汝及誰知居
深山玩世可終日君觀二弟子死處竟莫得客齊自披
裂投魏求寄食悠悠清溪中石亂流水急溪魚為朝食

老死得安穴居亂獨無言其辯吾不測

息壤在荆南
南門外

江上寒沙薄如席一夕墳起成高丘江流傾轉力不勝
左齧右吐非自由南郡城南獨何者平地生長殊不休
當中屋背不盈尺深入百丈皆石樓古人不知下有怪
發破不掩水漲浮傳言夏鯀塞洛水上帝愛此無敢偷
竊持大畚負長鑄刺取不已帝使流禹知水怒非塞止
網捕百怪雜蜃鰕掘壤入土不計丈投擲填壓聲鳴啾

欽定四庫全書

樂城集

十一

一時既定憂後世恐此竊出壤九州神人已死無復制
故以此土封其頭發之輒滿不可既意使靈物長幽囚
前年大旱千里赤取土盈掬雨不收誰言咫尺舊黃壤
中有千歲龍與虬高山萬仞猶可削嗟此何獨生如疣
天長地遠莽無極雖有缺壞誰能調我疑天意固有在
患世多事窮錫鏹挺陶鼓鑄地力困久不自補無為憂
世無女媧空白石磊磊滿地如浮漚耕田鑿井自無已
息壤無幾安能酬

荆門惠泉

泉源何從來山下長溪發油然本無營誰使自激列茫
茫九地底大水浮一葉使水皆為泉地已不勝洩應是
衆水中獨不容至潔涓涓自傾瀉奕奕見清澈石泓淨
無塵中有三尺雪下為百大溪冷不受魚鼈脫衣洗中
流解我雙足熱樂哉泉上翁大旱不知渴

答荆門張都官維見和惠泉

荒涼荆門西泉水誰為洩發源雖甚微來意不可折平

欽定四庫全書

樂城集

十二

鋪清地滿皎皎自明澈甘涼最宜茶羊炙可用雪炎風
五月交中夜吐明月太守燕已遠青嶂空嶰嶰泉上白
髮翁來飲杯饌闕酌水自獻酬箕踞無禮節區區游泉
人常值午日烈回首憂重城賞玩安能徹

荆陽早發

春氣入楚澤原上草猶枯北風吹栗林梅蘂颯已無
我行亦何事驅馬無疾徐楚人信稀少田畝任莽蕪
空有道路人擾擾不留車悲傷彼何懶歎息此亦愚

今我何為爾豈亦愚者徒行行楚山曉霜露滿陂湖

襄陽古樂府二首

野鷹來

野鷹來雄雄走蒼茫荒榛下毳毼大如斗鷹來蕭蕭風
雨寒壯士臺中一揮肘臺高百尺臨平川山中放火秋
草乾雉肥兔飽走不去野鷹飛下風蕭然嗟我呼鷹臺
人去臺已圯高臺不可見況復呼鷹子長歌野鷹來當
欽定四庫全書 樂城集 卷一 十三

襄陽樂

誰言襄陽苦歌者樂襄陽太守劉公子千年未可忘劉
公一去歲時改惟有州南漢水長漢水南流岷山碧種
稻耕田泥沒尺里人種麥滿高原長使越人耕大澤澤
中多水原上乾越人為種楚人食火耕水耨古常然漢

水魚多去滿船長有行人知此樂來買槎頭縮項鰻

雙鳧觀

在萊縣

王喬西飛朝洛陽飄飄千里雙鳧翔鳧飛遭網不能去
惟有空屨鳧已亡誰知野鳥不能化豈必雙屨能飛揚
鳧神屨怪當有在搔首野廟春風長

懷匭池寄子瞻兄

相攜話別鄭原上共道長途怕雪泥歸騎還尋大梁陌
行人已渡古靖西曾為縣吏民知否轍嘗為此縣簿舊未赴而中第

欽定四庫全書

樂城集 卷一 十四

宿僧房壁共題

轍昔與子瞻應舉過宿縣寺舍題其老僧未開之壁

遙想獨遊

佳味少無言驢馬但鳴嘶

辛丑除日寄子瞻

一歲不復居一日安足惜人心畏增年對酒語終夕夜
長書室幽燈燭明照席盤珍雜梁楚羊炙錯魚腊庖人
饌雞兔家味宛如昔有懷岐山下展轉不能釋念同去
間里此節三已失初來寄荆渚魚鴈賤宜客楚人重歲
時爆竹鳴礧礧新春始涉五田凍未生麥相攜歷唐許

花柳漸牙拆居梁不耐貧投杞避嫌覈城南庠齋靜終
歲守墳籍酒酸未嘗飲牛美每共笑謂言從明年此會
可懸射同為洛中吏相去不盈尺濁醪幸分季新筍可
餉伯嶺嶺嵩山美漾漾洛水碧官閒得相從春野玩朝
日安知書閣下羣子並遭讎偶成一朝榮遂使千里隔
何年相會歡逢節勿輕擲

次韻子瞻減降諸縣囚徒事畢登覽

山川足清曠闌闌巧拘囚安得城阿御固為穆滿遊遙

欽定四庫全書

樂城集
卷一

十五

知因渙汗遠出散幽憂原隰繁分繡村墟盡小侯春深
秦樹綠野闊渭河流四顧神蕭瑟前探意漲浮勝觀殊
未已往足詎能收下坂如浮舸登崖劇上樓強行腰偃
僕困坐氣噓咻鳥語林巒靜花明澗谷幽濯溪驚野老
伐路駭他州中散探深去文淵到處留聽琴峯下寺弄
石水中洲溪冷泉冰脚山高霧遠頭石潭清照骨瀑水
濺成鈎仙廟鳴鐘磬神官秉鉞劉養生聞帝女服氣絕
彭儼故宅猶傳尹先師不喜丘居人那識道過客謾停

驕巖谷誠深絕神仙信有不雲居無几杖霞珮素錦鈿
豹隱連山霧龍潛百尺湫門開誰與叩桃熟浪傳偷紺
髮清無比方瞳凍不倖會須林下見乞取壽年修板去
和雞犬相隨若旆旒乘風遺腰裏長嘯賤笙篴從騎衣
皆羽前驅鬣盡蚪安能牽兩足雙得快雙眸自昔辭鄉
樹南行上楚舟萬江窮地脉三峽東天溝雲暗鄆都晚
波吹木樨秋尋溪緣窈窕入洞聽颼颼空寺收黃栗荒
祠畫伏彪登臨雖永日行邁肯停輶蓄縮今何事攀躋

欽定四庫全書

樂城集
卷一

十六

昔已悠魏京饒士女春服聚蜉蝣雷動車爭陌花搖樹
繫鞦遊人紛蕩漾野鳥自嚶吻平日曾經洛閒居願卜
縱空言真比夢久渴漸成愁早退嘗相約辭驚痛自棲
愛山心劫劫從宦興油油海宇都無礙山林盡可投願
為雲上鵝莫作盎中儵適性行隨足謀生富給喉今遊
雖不與後會豈無由畫出同穿履宵眠共覆裘弟兄真
欲爾朋好定誰傳試寫長篇調何人肯見酬

次韻子瞻太白山下早行題崇壽院

山下晨光晚林梢露滴昇峰頭斜見月野市早明燈樹
暗猶藏鵲堂開已饒僧據鞍應夢我聯騎昔嘗曾

次韻子瞻延生觀後山上小堂

謝公遊意未能厭踏盡登山屐齒尖古殿神仙深杳杳
香爐烟翠起纖纖巖花寂歷飄瓊片庭檜蕭疎漏玉蟾

帝子莫歸人不見微風細雨自開簾

唐王貞公主
修道於此山

次韻子瞻題仙遊潭中興寺

潭邊沙水不成泥潭上孤禽挂嶮啼繚繞飛橋能試客

欽定四庫全書

樂城集
卷一

十七

蒙茸翠蔓巧藏溪雲為絳帳馬融室石作屏風玉女閨
仙果知君今未足臨潭脚戰怕長梯

石鼻城

千山欲盡垂為鼻百戰皆空但有城虎闖穴中秦地恐
龍飛渭上漢江傾雍人未有章邯怨魏將猶存仲達精
睥睨陵遲春草滿白羊無數向風鳴

礪溪石

呂公年已莫擇主渭河邊跪餌留雙膝臨溪不計年神

專能陷石心大豈營鱣不到礪溪上安知自守堅

郿塢

董公平昔甚縱橫晚歲藏金欲避兵當日英雄智相似
燕南趙北亦為京

樓觀

老聃厭世入流沙飄蕩如雲不可遮弟子憐師將去國
闕門望氣載還家高臺尚有傳經處畫壁空留駕犢車
一授遺書無復老不知何苦服胡麻

此觀尹喜舊宅神
仙傳言尹喜於流

欽定四庫全書

樂城集
卷一

十八

沙之西服
巨勝實

次韻子瞻秋雪見寄二首

秋氣蕭騷仍見雪客愁繚繞動繁心幽吟北戶窓聲細
歸夢函關馬迹深疎樹飛花輕款款衰荷留柄亂簪簪
遙聞詩酒皆推勝社客何人近納暎
平時出處常聯袂文翰叨陪舊服膺自信老兄憐弱弟
豈關天下少良朋何時杯酒看浮白清夜看蔬粗滿登
誰思隔年詩不盡秦梁雖遠速須磨

次韻子瞻聞不赴商幕三首

怪我辭官免入商才疎深畏忝周行學從社稷非源本
近讀詩書識短長東舍久居如舊宅春蔬新種似吾鄉
閉門已學龜頭縮避謗仍兼雉尾藏

雉尾藏不能盡尾鄉人以爲謗

南商西洛曾虛署長吏居民怪不來妄語自知當見棄
遠人未信本非才厭從貧李翱東閣懶學說張緩兩腮
知有四翁遺跡在山中豈信少人哉

欽定四庫全書

樂城集

九

頃動簾鳴只自知憂輕責少幸官卑聲名謾作耳中瑱
科第空收領底髭西鄙猖狂猶將將中朝閒暇自師師
近成新論無人語仰羨飛鴻兩翅差

次韻子瞻病中大雪

吾兄筆鋒雄詩俊不可和雪中思清絕韻惡愈難奈
勤賦黃竹自勸飲白墮言隨飛花落意與長風簸餘力
遠見檇千里寄瑤瑤嗟予學久廢有類轉空磨研磨久
無得安可待充貨空記乘峽船行意被挫判溟濛覆洲
渚冷冽光照坐我唱君實酬馳騁不遑卧譬如逐獸盧

豈覺山徑珂酒肴助喧熱筆硯盡需浣詩詞禁推類令
肅安敢破亦有同行入牽挽赴程課爾來隔秦魏渴望
等飢餒徒然遇佳雪有酒誰與賀

次韻子瞻記歲莫鄉俗三首

餽歲

周公制鄉禮無有相通佐鬯肉送子思烝豚出陽貨交
親隨高低豈問小與大自從此禮衰伏臘有飢卧鄉人
慕古俗酬酢等四坐東鄰遺西舍迭出如蟻磨寧我不
飲食無爾相咎過相從慶新春顏色買愉和

欽定四庫全書

樂城集

十

別歲

富貴日月速貧賤覺歲遲遲速不須問俱作不可追
親舊且酣飲送爾天北涯歲歲雖無情從我歷四時酌爾
一杯酒留我壯且肥長作今歲歡勿起異日悲掉頭不
肯顧曾莫與我辭酒闌氣方橫豈信從爾衰

守歲

於菟絕繩去顧兔追龍蛇

是歲壬寅

奔走十二蟲羅網不及

遮嗟我地上人豈復奈爾何未去不自閒將去乃諠譁
天上驅獸官為君肯停撾魯陽揮長戈日車果再斜醺
酒勸爾醉期爾蹙蹉跎偕醉遣爾去壽考自足誇

記歲首鄉俗寄子瞻二首

踏青

江上冰消岸草青三三五五踏青行浮橋沒水不勝重
野店壓糟無復清松下寒花初破萼谷中幽鳥漸嚶鳴
洞門泉脉龍睛動觀裏丹池鴨古生山下餅罌雷稚孺
欽定四庫全書
樂城集
卷一
十一
峰頭鼓樂聚簪纓縞裙紅袂臨江影青蓋驂騑踏石聲
曉去爭先心蕩漾莫歸誇後醉從橫最憐人散西軒靜
曖曖斜陽著樹明

蠶市

枯桑舒牙葉漸青新蠶可浴日清明前年器用隨手敗
今冬衣著及春營傾圉計口責餘粟買箔還家待種生
不惟箱篋供婦女亦有鉏耨資男耕空巷無人闢客治
六親相見爭邀迎酒肴勸屬坊市滿鼓笛繁亂倡優擗

蠶叢在時已如此古人雖沒誰敢更異方不見古風俗
但向陌上聞吹笙

子瞻寄示岐陽十五碑

堂上岐陽碑吾兄所與我吾兄自善書所取無不可歐
陽弱而立商隱瘦且梢小篆妙詰曲波字美婀娜譚藩
居顏前何類學顏頗魏華自磨淬峻秀不包裹九成刻
賢俊磊落雜么麼英公與褒鄂戈戟聞自荷何年學操
筆終歲惟箭筈書成亦可愛藝業嗟獨夥余雖謬學文
書字每慵適車前駕騏驎車後繫羸跛逾年學舉足漸
亦行駸駸古人有遺迹寔短不及鏤願從兄發之洗硯
處兄左

欽定四庫全書

樂城集

卷一

樂城集卷一

欽定四庫全書

樂城集卷二

宋 蘇轍 撰

詩六十九首

畫文殊普賢

誰人畫此二菩薩跌坐花心乘象拔弟子先後執孟缶
老僧槎牙森比肩山林脩道幾世劫顏貌偉麗如開蓮
重崖宛轉帶林樹野水荒蕩浮雲天峨眉高處不可上

欽定四庫全書

樂城集
卷二

下有絕澗錮九泉朝陽未出白霧起有光升天如月圓
靈仙居中粗可識有類白兔依清蹕遊人禮拜千萬萬
迤邐漸遠如飛煙五臺不到想亦爾今之畫圖誰所傳
吾兄子瞻苦好異敗繒破紙收明鮮自從西行止得此
試與記錄代一觀

聞子瞻重遊南山

終南重到已春回山木綠崖綠似苔谷鳥鳴呼嘯獨往
野人笑語記曾來定邀道士彈鳴鹿誰與溪堂共酒杯

應有新詩還寄我與君和取當遊陪

彈鳴鹿飲溪堂皆
前游終南時事

子瞻見許驪山澄泥硯

長安新硯石同堅不待書求遂許頒豈必魏人勝近世
強推銅雀沒驪山寒煤舒卷開雲葉清露霑流發涕潛
早與封題寄書案報君湘竹筆身斑

寒食前一日寄子瞻

寒食明朝一百五誰家冉冉尚厨煙桃花開盡葉初綠
燕子飛來體自便愛客漸能陪痛飲讀書無思懶開編

欽定四庫全書

樂城集
卷二

秦川雪盡南山出思共肩輿看麥田

大人久廢彈琴比借人雷琴以記舊曲十得三四
率爾拜呈

久厭凡桐不復彈偶然尋繹尚能存倉庚鳴樹思前歲
春水生波滿舊痕泉落空巖虛谷應珮敲清殿百官寒
終宵竊聽不能學庭樹無風月滿軒

聞子瞻習射

舊讀兵書氣已振近傳能射喜征鼙手隨樂節寧論中

箭作鴟聲不害文力薄僅能勝五斗才高應自敵三軍
良家六郡傳真法馬上今誰最出羣

種菜

久種春蔬早不生園中汲水亂瓶甕菰菜經火未出土
僮僕何朝飽食羹強有人功趨節令悵無甘雨困耘耕
家居閒暇厭長日欲看年華上菜莖

次韻子瞻題薛周逸老亭

飛鳥不知穴山鹿不知流薛子善飲酒口如汲水虬吾

欽定四庫全書

樂城集
卷二

三

觀腸胃間何異族黨州人滿地已盡一介不可留謂子
試飲水一酌不再求謂子飲醇酒百醕豈待酬酒可水
不可其說亦已悠以我視夫子胸腹百丈幽譬如田中
人視彼公與侯未省破顏飲何況裸露頭鴟夷謂大瓠
皆飽安用浮多少苟自適豈害為朋遊

次韻子瞻題長安王氏中隱堂五首

秦中勝岷蜀故國不須歸甲第春風滿巴山畫夢非竹
深啼鳥亂花落晚峰飛我欲西還去敲門慎勿違

其二

唐朝卿相宅此外更應無請看庭前樹曾攀屋裏蛛流
傳漸失實遺老不禁徂試問歸登物林間翠石孤

或云此即

其三

愛君高堂上有似蜀江孺牆外終南近簷西太白偏晚
梅晴自媚老竹暗相遷未到遙聞說吾廬安得然

其四

官去空留鶴山浮不見鼇竹林迎日淨槐木擁亭高烏
噪知人至蟬鳴覺口勞誰能飲堂上解帶不穿袍

其五

君看原上墓墳盡但餘碑誰見生前貴塵生帶下龜高
堂幸有酒一飲豈論貴勉強行樂耳古人良可悲

和子瞻鳳翔八觀八首

石鼓

岐山之陽石為鼓叩之不鳴懸無虞以為無用百無直

欽定四庫全書

樂城集
卷二

四